

胎產心法卷之上

上谷閻純璽

胎逆上逼脹滿子懸論

妊娠胎逆上逼。重則脹滿疼痛。謂之子懸。紫蘓飲爲必用之藥。蓋因紫蘓飲爲治妊娠胎氣不和。濁氣舉胎上湊。胎熱氣逆。心胃脹滿之證。且此證挾氣者居多。宜疎氣舒鬱。非紫蘓、腹皮、川芎、陳皮無以流氣。非歸芍無以養血。氣血既利而胎自降。然邪之所湊。其正必虛。故以人參、甘草補之。如飲食不甘。加四君子。有熱加芩、梔、歸、芍。內熱晡熱。或



四君兼逍遙散若常常多怒時覺脹滿服順氣藥不應宜
用和氣安胎飲或加味逍遙散胎上攻而作痛宜紫蘓飲
或順氣安胎散若脾虛停滯脹滿安胎飲力薄宜用加參
平胃散有因鬱滯者亦宜紫蘓飲或加味歸脾湯有因痰
結聚者紫蘓飲加芩連貝母有因暴怒者左關必弦洪肝
火內動用小柴胡加茯苓枳殼山梔大抵胎氣上逆皆屬
火旺急用芩朮香附之類不可服大寒之藥反致他變予
每治孕婦心胃脹滿用尊生和氣飲甚效子懸證有兩尺
脉絕餘脉平和不可錯認死胎且死胎有面青舌青可辨

宜紫蘓飲消之。則胎歸原位。脹消脉起矣。如臨月胎上逼心。嘔噦欲死。急用童便灌之。即下。或烏梅肉十枚研爛。入生薑三片煎湯灌之。亦下。取酸以降。欽之兼辛以散。火氣之逆也。又有因坐草太早。心懷恐懼。氣結不行。紫蘓飲一服。便產。○後附針灸一方。備用。

四君子湯 治胃氣虛弱。飲食不思。倦怠少食。

人參 一錢至三錢

白朮 一錢至二錢。土炒黃

茯苓 一錢至錢半

炙草 六分至一錢

水煎服

逍遙散

附八味逍遙散。又名加味逍遙散。治血虛、肝

燥。骨蒸勞熱。往來寒熱。咳嗽潮熱。月經不調。目乾。

便澀。

柴胡

當歸 酒拌

白芍 酒炒

白朮 土炒

茯苓 各一錢

炙草 五分

加煨薑薄荷引水煎服。○一方無茯苓薄荷有茯神生

薑爲引。治肝脾血虛。鬱怒傷肝。血少目暗。發熱脇痛等

證。○加丹皮、梔子 各七分。名八味逍遙散。又名加味逍

遙散。治小便帶血。或過勞。及多食炒炙。宜清膀胱之火。
柴胡、當歸加倍。白朮加五分。

和氣安胎飲 治孕婦多怒。胸中脹滿。若用烏藥香
附、砂仁、順氣等藥。反加滿悶。宜服此飲。

人參

白朮
土炒

當歸

酒洗各二錢

川芎

條芩

各八分

陳皮

紫蘓

炙草
各四分

木香

二分磨汁衝服

胎產心法

卷上

胎逆上逼子懸方

全



薑引煎服。○一方無木香。有砂仁。四分。名順氣安胎散。

治孕婦胎氣上攻心腹。脹滿作痛。子懸之證。有因氣惱

者。加木香。二分。磨衝服。

加參平胃散。治孕婦脾氣虛弱。飲食停滯。以致腹

脹嘔吐。安胎飲力緩。宜用此散。

人參

白朮。土炒各一錢。

蒼朮。米泔浸製。

厚朴。薑製七分。

陳皮

炙草。各四分。

薑一片。水煎服。

尊生和氣飲 治孕婦心胃脹滿。

人參

蘼梗

白芍

酒炒

川芎

各六分

當歸

一錢或六分酒洗

腹皮

五分製淨

木香

二分磨衝藥服

炙草

三分

水煎服。

附針灸方

妊娠六七個月，飲食絕然不進，胸膈脹水，與藥皆不能下。診脉平和，又非病脉，此乃隔氣不通，藥不能治，惟針



灸可通。宜灸內關穴。卽能進飲食矣。其穴在手掌大紋後二寸兩筋間。此穴可針。亦可灸。男左女右。重則雙手同灸。輕者七壯。重加十數壯。艾如黍大。或如麥大。寸取本人同身寸。以男左女右手。中指屈回。用草較所屈中指中節內紋兩頭盡處截斷。爲準一寸也。

紫蘓飲

見本卷安胎門

小柴胡湯

見本卷諸痛門

加味歸脾湯

見本卷小產門附歸脾湯下

諸血證論

妊娠漏極如同月水胞乾胎死母亦難保其調治之方已
詳論於胎漏門中茲不重論。

妊娠吐血凡七情內傷六淫外感皆足致失血之患。

火熱者以氣血壅養胎元或有所感則氣逆而火上乘心
煩滿悶血隨而溢甚者或致墮胎但火有虛實之分實火

清熱養血虛火滋陰補水則血安胎固若泛用行血清血

之劑胎必墮而禍不旋踵矣如肝經怒火加味逍遙散膏

梁積熱加味清胃散鬱結傷脾加味歸脾湯肺經有火黃

芩清肺飲因氣鬱滯紫蘓飲氣不攝血補中益氣去升麻

加煨葛根腎經虛火冬味地黃湯。

鼻衄不止東垣涼膈散加當歸生地

各一錢

茅花

一大團

生薑引。

咳嗽咳血宜涼血地黃湯醫通云咳嗽咯衄胎前皆不宜見如面赤聲啞不治又云凡咯吐血多致墮胎胎賴血養不宜漏溢宜紫蘓飲加條芩

尿血乃熱乘血分流滲於脬故令尿血自尿門而下若胎漏則自人門下血可辨宜四物加山梔髮灰或阿膠熟地麥冬五味之類如怒動肝火小柴胡加山梔脾氣下陷及



勞動脾火補中益氣加茯苓車前若厚味積熱加味清胃散若肝脾血熱加味逍遙散

腸風臟毒下血者平胃散去蒼朮加槐角防風當歸烏梅治之

加味清胃散治胃中蘊熱班疹口舌生瘡齒齦腐

爛出血

生地四錢丹皮五錢

當歸川連酒蒸

連翹去心各三錢升麻

胎產心法

卷上

諸血證方

卅

生草 各一錢五分

爲散分三服水煎去滓衝犀角磨汁三四分入藥服之

黃芩清肺飲 治渴而小便不利

梔子 炒黑

黃芩

各等分煎服。○予謂此方乃治雜證發渴而小便不利。妙在熱服探吐以提則肺氣立清然胎前血證探吐之法似非所宜若服而不吐不特綿延不能刻應縱或小差其苦寒之性畱薄於內大傷氤氲之氣治胎前之證者得不爲之預慮乎。



冬味地黃湯 附丸方

熟地 四錢

山藥 二錢炒

山萸 一錢古方分兩加倍 丹皮

茯苓 澤瀉各七分

麥冬 一錢或錢半 五味子 十粒

水煎服。○此方藥味十倍之煉蜜丸。即名冬味地黃丸。又名八仙長壽丸。

涼血地黃湯 治妊娠咳嗽吐血咳血。

生地 三錢 麥冬 去心

當歸 酒洗各二錢 黃芩 一錢五分



紫苑

知母 鹽水炒。

白朮 土炒。

天冬 去心各一錢。

犀角 八分。

陳皮

甘草 各四分。

水煎服。有喘。加瓜蒌仁 一錢。

加味逍遙散 見本卷子懸門附逍遙散下

加味歸脾湯 見本卷胎漏小產門附歸脾湯下

紫蘓飲

四物湯 俱見本卷安胎門

補中益氣湯

東垣涼膈散

小柴胡湯

平胃散 俱見本卷諸痛門

子腫子氣子滿論 子滿證卽俗呼胎水證也。

妊娠子腫與子氣相類。但子氣在下。體子腫在頭面。若子

滿證。又名爲胎水。則在五六月已後。比子氣子腫不同。蓋

胎大則腹滿。遍身浮腫。凡子氣子腫。子滿由臟氣本弱。或

因泄瀉下利。耗傷脾胃。或寒熱瘧疾。煩渴加飲。濕漬脾胃。

胎產心法

卷上

子腫子氣子滿論

七



北京中醫藥大學圖書館藏

使頭面手足浮腫也。然水漬於胞，兒未成形，則胎多損壞。故初妊，卽腫急，宜調治水去脹，消仍用六君子調補。所謂子腫者，妊娠面目虛浮多，因脾胃氣虛，或久瀉所致。宜健脾利水，全生白朮散主之。或用健脾利水湯，如未應，用六君子湯，或加腹皮、車前，又專治肢體如水氣之證，亦有用加味五皮湯治子腫之甚者。

所謂子氣者，妊娠自三月成胎之後，兩足面漸腫至腿膝，或腰以下腫，行步艱難，以致喘悶不寧，飲食不美，似水氣狀，甚至腳指間有黃水出者，蓋脾主四肢，脾氣虛弱，不能

制水而發腫肺金少母氣滋養而氣促滿悶諸書名曰子
氣卽水氣俗名鰾脚治此病者先服加味天仙藤散如不
效則服茯苓湯再不效服補中益氣湯加茯苓若飲食失
節嘔吐泄瀉六君子湯或加炮薑木香香附若脾肺氣滯
加味歸脾湯佐以加味逍遙散或紫蘊飲至孕婦八九個
月脛腿俱腫非水氣比不可以水氣治之反傷正氣凡有
此者必易產因胞臟中水血俱多不致胎燥也

所謂子滿者妊娠至五六個月胸腹急脹腹大異常或遍
身浮腫胸脇不分氣逆不安小便艱澀名曰子滿又爲胎